

Khri's Suangphum

CHURCH
of CHRIST
NEW DELHI

Suangphum lepkhitsa loungal suangphum dang kuamah in a lem theita kei, huai suangphum Jesu Khrist ahi - 1 Kor. 3:11

Vol. XXI. No. 50

PRIVATE CIRCULATION

January 1, 2023

TANGTAWN

(Eternity)

Kamkhenthang

"Ama'n (Pathian in) thil peuhmah ama' hun ah kilawm vekin a bawl hi. Ama'n mihingte lung-tang ah tangtawn a koih a, hinapi-in, Pathian in a chil apan a tawp donga a hih a thei khezou kei uh." (Ekl.3:11)

Abul leh atawp neilou, tangtawn tangtawn a om; Pathian hihnat laka khat ahi. Tuiluang in a tonpih banga hun in a paipih khovel mihingte adingin tangtawn kichi thei kisa kawmkawma theihsiam louh hun tamzaw hitah e, chih in om. Tangtawn theitu in a siamsa mihingte'n tangtawn hinna a neihsam na dingun "A Tapa tang neihsun pia hi" (John 3:16).

Leitunga kum 30/40 musa nu leh pa te'n i tate uh kum 70/80 damsung khosakna nuamzaw deihsaka kipumpiak in om sam hi. Zingkal khawv-ot, vuahzu leh bualnawi lakah naupang in tuhun in haksa sa leh leng, laisama hong piching nunga kisiik louhial ding ahi, chih nu leh pate'n thei chi-anglua hiven. Huai bangmah in Pathian in tangtawn hinna mihingte adinga hoih ahihdan thei hi (Pathian toh hongte teh vuallou himahleh gelkh-iai siamna in banlou ahihman in).

Kha theihsakna tungtawn in Paul in, "Tuhuna i gimthuaknate pen tunung chianga eia hihlata om ding thupina toh tehpikh thamin ka sep kei hi" (Rom. 8:18), chi'n ana gelh hi. La in le, "Sepgim tawl lungkham bangmah'n ngai kei ni; Tua kongpi etlawm i tun chiangin", chi'n i sa vele.

Tangtawn mun, vangam nuam leh gawtmun meidil om ahi, chih Thukhun Thak Laisiangthou sunga nial vuallouhin om hi. Huaimah tuh Khristian peuhmah adinga lametna kipahhuai (Tita 2:13) leh sihtan donga ginom a om (Kil.2:10) dinga hon thuhilhtu ahi.

Huai kawmkal ah, hun leh nite om nawn-louhna mun ah, vangam - tangtawn thupina leh nopna bangchi om ding hiam? Leitung a bel an-uampen, alimpen zong nin hun leh kham hun om hiven. Gawtmun – sitheilou a tangtawn meia hal a

omna (Kil.21:8) bangchi om ding hiam? Leitung a i theihdan a, anuamloupen zong kingeinaseh hun om hiven.

Hiai dotnate "Itna Lamdang Amin Ngaih e" (Amazing Grace) chih la aphiaku'tu'n hiai bangin ana genchian hi:

*"When we've been there ten thousand years;
Bright, shining as the sun;
We've no less days to sing God's praise; than
when we first begun."*

("Tua mun nuam ah ni bang tanga; Kum sangsawm i vei chiang; Pathian phatla sak kiam lou ding; Phatna ni kiam lou ding.")

Vangam a misiangthouten Pathian phatna la sakna dinga hun kiamlouh phet hilou in, phatna la i sak tunga anopdan ngeingei a nuam den ding ahi. Huaimah banga tangtawn gawtmun meidil a kangte tuh, mei in hon hal khak tung a sat banga sa den ding hitah e, chih kilang chiang hilou hiam.

Tangtawn mun; hun leh nite omlouhna ah tunung, tuhun leh tuma omlou ding ahihman in zatsa, thuaksa leh maban a tuahding chihte om-lou in nuamsa lel lel leh gimthuak lel lel khatzaw samsam in mihingte hon na ngak hi. Mihing ading a khatvei sih ding sehsa; tua zawh chianga thukhenna in zui ding (Heb.9:27), lah ahi ngal a.

PLACE OF WORSHIP

Sacred Heart Cathedral,
Yusuf Sadan, Ashoka Road,
Delhi - 110001

Phone No. 9953968807
website : www.cocdelhi.org

**'KHRIS' SUANGPHUM, A WEEKLY BULLETIN FOR
THE MEMBERS OF THE CHURCH OF CHRIST, DELHI,
ON THE FIRST DAY OF THE WEEK'**

Enkaitu : Jamson Guite

TOUPA NI' THILPIAK

Date 25.12.2022 = 41,861/-

BIBLE CLASS**Class**

Adult	: James, Siamkhanmuan
Inter.	: Biakmang & Jamson
Junior	: Minlun & Suanlian
Primary	: Vungngaihkim & Rose
Beginner	: Chingkhanlun & Nuam

Teacher**THOUGHT OF THE WEEK**

*Chiklai peuh a na dan thute lunggulh
gigena in, ka lungtang a china
sak hi - Sam 119:20*

BAKNA HUNZEEN**TOUPA' NI**

DATE 01.01.2023

Hun-uk thumna	: Thongginalian
Lapi	: Jangminthang
Thilpiak	: Thangdoulian
Theihgigena	: Kamkhenthang
Thugen	: Jamson
Thumna	: Thangzalam

KIGINN

DATE 7.1.2023

Hun-uk thumna	: Janglet
Lapi	: Lang James
Thugen	: Thanglianmang
Thumna	: Lunsang

TOUPA' NI

DATE 8.1.2023

Hun-uk thumna	: Janglet
Lapi	: Lang James
Thilpiak	: Chinlunmang
Theihgigena	: Nekkhothang
Thugen	: Jamson
Thumna	: Thanglankhup

WORKPLAN LACHIAT NI

Tukum a diing Saptuam workplan bawlzoh ahih toh kiton in a saite'n etlawm tak in abu in hon sunkhia uhi. Kongkhak bul ah news tetoh kikoih diing ahihman in kuapeuh in la chiat in hoihtak in i vel chiat diing uh.

ZIN LEH TUNG

▀ Nasem a Hyderebad a va om un-aupa Michael Seilenmang in suti ni tamlouh a neih ziak in Delhi hong paizual hi. Aman kal paita sintawpni in a sepna lam honna zotsan nawnp hi.

▀ Hyderabad lam a unaupa Khamlianmangte kiang lam a va zin unaupa Tawn siampau-te innkuan leng kal paita sepnawnni in damtak in hongtung ki-knawnta uhi.

▀ Unaupa Lunson leng Lamka apan in Delhi hongzin a tu ilak uah om-lel hi. CDS ana gelhching thak toh kisai a Delhi hongzin hi a tu'n merit list ngal lel hi. Kipahpihuai mahmah.

▀ Unaupa Gibiaklal-te innkuan leng hunnuam zang diing in hongzin uhi. Damleh tukal in kiknawn diing uhi.

▀ Unaupa Thangbiaklun-te innkuan leng hun nuam zang diing in Kolkata lam ah ana zinkhia uhi.

▀ Kal paita Toupa Ni in unaunu Rosely Delhi a innkuante toh hun zang diing in hongzin a omlel lai hi.

YOUTH ESSAY COMPETITION RESULT 2022

Position	Roll no	Name	Total Marks	Percentage
1	6	Samuel Pauliansiam	80.5	81%
2	11	Pauminlun	77.5	78 %
3	4	Shazia	75.5	76 %
4	1	Mungmuianlian	75	75 %
5	9	Gin Samuel	73.5	74 %
6	10	Pausuanlian	69.5	70 %
7	7	Lunkhannuam	68.5	69 %
8	3	Sara N Guite	35	35 %
9	8	Chingkhanlun	31.5	32 %
10	5	Mungsuan	25	25 %
11	2	Nunhoih	20	20 %

BAKNA PROGRAM LA CHIAT NI

▀ January leh February a diing Toupa Ni leh kiginni biakna program diing bawlzoh hinawnta. Unaute'n ei a diing kilak in i tante chiamteh chiat ni. Huan, tan la thei lou diingte'n a baihthei bangpen a program bawlte theisak ngeingei diing ahi.

VISITATION PROGRAM

▀ Preacher in a invehna diing program hon bawlkhin nawnta. Unaute'n eimah copy diing kilak chiat ni. Ei inn venvi diing date kipesa ahihman in hia ni a ei lemtan hun preacher zasak chiat diing in i kingen uhi.

NGAPLOU

▀ Kal paita sung in Chingthianmuang hitang khosik in ana om hi. Pathian panpihna toh hoihdeulta. Tulai in hitang kithang mahmah a unaute lak a gawlna om sauhsauh hi.

CHARGE KIPIAKNA & THUMSAKNA

▀ Tuni biakna zoh chiang in business vaipawte charge kipiakna leh a thakte thumsakna hun zat hi diing hi.